



Allahov Poslanik, sallallahu 'alejhi ve sellem, je spomenuo jednu stvar, pa je pojasnio: 'To će se desiti kada nestane znanje

Prenosi se od Zijada bin Lebida, radijallahu anhu, da je rekao: "Allahov Poslanik, sallallahu 'alejhi ve sellem, je spomenuo jednu stvar, pa je pojasnio: 'To će se desiti kada nestane znanje.' Upitao sam ga: 'Allahov Poslaniče, kako će nestati znanje, a mi učimo Kur'an i njemu podučavamo našu djecu. Zatim će naša djeca podučavati Kur'anom i njihovu djecu i tako do Sudnjeg dana?' 'Majka te ne imala, Zijade', odgovori Poslanik, "smatrao sam te jednim od najučćenijih ljudi u Medini. Zar nisu Jevreji i hrišćani učili Tevrat i Indžil, a uprkos tome nisu imali znanja?!"

[صحيح لغيره] [رواه ابن ماجه]

Jednom prilikom, Allahov Poslanik, sallallahu 'alejhi ve sellem, je sjedio sa svojim ashabima pa je kazao: "Doći će vrijeme kada će ljudima biti oduzeto znanje." Zijad bin Lebid el-Ensari, radijallahu anhu, se začudio, te je upitao Allahovog Poslanika: "Kako će znanje nestati i od nas biti oduzeto?! Mi učimo Kur'an, a podučit ćemo ga i našim ženama i djeci, pa će ga naša djeca podučiti njihovoj djeci." Iznenadivši se, Poslanik mu kaza: "Izgubila te majka, Zijade. Ubrajao sam te u učene ljude grada Medine!" Potom mu je skrenuo pozornost na to da se nestanak znanja ne manifestuje gubljenjem Kur'ana, već se manifestuje tako što se neće postupati po znanju. Jevreji i hrišćani imaju Tevrat i Indžil, ali im to ne koristi. Oni, naime, ne rade po onome što znaju.

<https://sunnah.global/hadeeth/bs/show/65045>

